

SAO A PAGPANPANUNOTAN:

“No ti Santo Espiritu ket agtataeng ti tunggal miembro ti k̄ada-Iglesia, adda pay laeng k̄adi panagsusupiat, panagpipinnardaya ken uray pay panagdayamudom, SAAN! Ti Sao ti Dios ket kunana, ‘ti Espiritu pataudenna ti ayat, rag-o, talna, anus, kinamanang-asi, kinaimbag, kinamatalek, kinapakumbaba ken kinamanagteppel’ (Galacia 5:22-23).”

PRELUDIO KEN PROSESIONAL: (Agpasango dagiti agakem ken masindian dagiti candela ti altar)

KABLAAW KEN DAMDAMAG DAKASEKNAN TI IGLESIA:

INTROIT: “Thy Loving Kindness”

Thy loving kindness is better than life. (2x)

My lips shall praise Thee, thus will I bless Thee

I will lift up my hands unto thy name.

I lift my hands up unto Thy name. (2x)

My lips shall praise Thee, thus will I bless Thee

I will lift up my hands unto Thy name.

****AYAB TI PANAGDAYAW:**

Pangulo: Ikalikagum ti Dios nga Apo ti agsao kadagiti amin a tattao. Saan kayo nga agbuteng a dumngeg kadagiti saona.

Lallaki: Ur-urayenmi ken sidedengngeg kami iti nainsiriban ken nadosan a sao ti Dios ta dagitoy ket saan a pagbutngan ngem pakaidalanan.

Pangulo: Ti Dios ket adda nga si-aarakup kadatayo, saankayo nga agbuteng a sumungbat iti ayatna.

Babbai: Siraragsak ken sirarag-o dagiti puspusomi iti panagayatna. Ti asi iti Dios ti manggutigot iti panagbalinmi a naasi kadagiti padami a tattao.

Pangulo: Aw-awisennatayo iti Dios ti ruangan ti langit. Saan kayo nga agtukiad wenno agkedked iti panangidaydayaw Kenkuana.

Amin: Addatay amin ditoy tapno mabang-aran ken mapapigsa, sapay ta dagiti pampanunottayo ket itan-okna iti nagan ni Kristo.

****INBOKASION:**

****HIMNO TI PANAGDAYAW:**

“Agnanayon Nga Ari, Adalannakami”

*Agnanayon nga Ari, idalannakami,
Iti tanap ni basol agballigikami.*

Grasiam ti kalasagmi ken isut’ pigsami,

Agnanayon nga Ari sikat’ pagtalkanmi.

*Agnanayon nga Ari, tulongannakami,
Inggat’ basol maparmek ket talna agari.
Ket manipud pusomi agubbog ayat, asi,
Pagarian ti langit dumtengton kadakami.*

*Agnanayon nga Ari, sikat’ surotenmi,
Uray sadinot’ yanmo diay adda ragsakmi.
Ti krusmot’ salinongmi ket isut’ bilegmi,
Inggat dikam awaten balangat balligi.*

AYAB TI PANAGBABAWI:

Pangulo: Intay manen rambakan ti kinamaymaysatayo ken Kristo kas gimong dagiti namati babaen ti napasnek a panangusig tayo kadagiti bukodtayo a bagi. Ta kuna met laeng ti Apo a Dios, “kunak kadakayo nga Israelita nga ukomek ti tunggal maysa kadakayo kas mayannatop iti aramidna. Agbabawikayo ket isardengyo ti agaramid iti dakes. Diyo ipalubos a dadaelennakayo ti basolyo. Isardengyo amin a dakes nga aramidyo ket pabaroenyo ti nakem ken pusoyo. Apay nga ipalubosyo a mataykayto dakayo nga Israelita?”

Pastor: Kinuna ni Apotayo a Dios, “Diak kayat a matay ti siasinoman. Isardengyo ti agbasol ket agbiagkayo.”

Kanta Ti Panagbabawi: “Kuak Ti Namnama A Nasantoan”

*Kuak ti namnama a nasantoan, Gloria ti Dios a nailangitan,
It dennat’ tawid a salakan, Espiritunat’ mangipasngay.*

*Coro: Daytoy saritak, agkantaak;
Jesus kaskasdit’ kararagak
Daytoy saritak, agkantaak,
Jesus kaskasdit’ kararagak.*

*Amin nasimpa, natulokak, ken Cristot’ yanko a siraragsak;
Agur-uray sikikitaak ti gloriana a napnot’ ayat. (coro)*

(kanito a panagulimek)

PAMMATALGED TI PAMMAKAWAN TI DIOS:

Pastor: Proverbio 28:13-14

PANNAKAYALLATIWI TI KAPPIA: *(lyallatiw tayo ti kappia ken talna babaen iti panangkanta ti O, I Love You...)*

KANITO A PASET DAGITI UB-UBBING: *(no adda ipasetda)*

KARARAG PASTORAL:

Sungbat ti Gimong: (makanta)

O Lord, hear our prayer (2x), when we call answer us;

O Lord, hear our prayer (2x), come and listen to us.

DAGITI SASAO TI APO:

****Manipud iti Nasantuan a Surat**

Sungbat: *“Ti sasao a naragsak, Sao a mamabiag” (2x)*

Babaen iti Mensahe ti Kanta

Pannakailawlawag ti Sao

PANANGIDATON TI BIAG KEN PAGYAMAN:

Pangulo: 2 Corinto 9:6-8

(panagited cadagiti pagyaman ken sagsagut)

KANTA TI PANANGIDATON: “Idatonyo Dayta Biagyo”

*Idatonyo dayta biagyo, ta masapul ti Apo
Pigsat’ kinaagtutubo, kayatna iserbiyo*

Isu ti ulidantayo, ni Jesus a Mannubbot
Biagna ti inna indaton a gapu kadatayo

Coro: Idatonyo daya biagyo, ta masapul ti Apo
Amin a kabaelanyo, Kenkuana iserbiyo

Awatenyo siraragsak, kaun-gan ti pusoyo
Tumulongkay ngad Kenkuana, mangirupir ti pudno
Itdenyo kas pannangtedna, bugbugtong nga Anakna
Agragsak agyamankayo dakkell unay ayatna. (coro)

****DOKSOLOHIYA**

****KARARAG TI PANANGIDATON:** Pastor

****HIMNO A PANAGSERVI:** "Ni Cristo Ti Simiento Ti Iglesia"

Ni Cristo ti simiento ti Iglestatayo,
Immay nanipud langit nangsapul kenkuana;
Agparang a kas nobia, nasbot-ti darana,
Nabugguan iti danum ken ti met Saona.

Naggaput' taunggal nasion, tattao immayda,
Maymaysa a pammati, ken pannakayanak;
Maymaysa a taraon a naespirituan,
Maymaysa a namnama, ken maysa a nagan.

Adut' rigat ken bannog, pegpeggad ken gubat,
Amin pagdalanna, ngem Isut' mangabak;
Awatennat' bendision ken dakkell a dayaw,
Ragragsak ken ti talna a nailangitan.

Ti Dios adda kenkuana a makikallaysa,
Saanna a baybay-an dinanto panawan;
O Apo ikkanakam grasia a nawadwad,
Tapno magun-odminto talna dita gloriam.

****KARARAG TI PANAGSERVI KEN PANAGTALEK:**
PAMENDISION:

Sungbat: *May the Lord bless and keep you* (2x)
May his countenance shine upon you
And grant you peace...amen!

POSTLUDIO:

"Enter to rejoice, depart to serve"

Church Bulletin

Note:

Mabalin nga ikabiltayo dagiti padamag, programa ken dadduma pay ditoy a paset ti liturgia. Kasta met nga agbalin laeng a pagtuladan wenno surotentayo daytoy a liturgia tapno mabalintayo a sukatan dagiti kankanta ken nayonan dadduma a pasetna.

UNITED CHURCH OF CHRIST IN THE
PHILIPPINES
North Luzon Jurisdiction

July 23, 2017

7th Sunday after Pentecost

**Let's
Just
PRAISE**



**the
LORD!**
